


inimica miferis: et in te me hinc
hinc ut in modo nre tuo demerit
cremunt. **D. G.** Qui vult venire

Omnis omnes deus: ut qui **371.**
delecta alimere in preceptis: ut
redente hinc in modo nre tuo:
p hęc cōtra oia aduſa innumera
m: **D. G.** **Emertōnam vigne offi**
ou p hanc ut i hinc hinc hinc vire
gnis lignanti est. Tymothya
apli. Muchi at inuis. Chia in a.
Oia de cōmuni aplice. Iō. Me
mor esto. Si. S. Amis honorati.

Nulla. Celi enarrat. ut hinc. Qui sem
uat. Sequētia. Clare hinc. Si.
Designauit dñs. Crede. off. In
arces terra. p hanc de aplice. G.
Sanctus clar. In dñi hinc hinc pan

Primo gogras: ut si qui
seruus? vire vicos de
omnes p dicitur i u
iter faceret: in hinc
oueret in maseo. E
quid hinc ou hinc hinc
terre? in hinc hinc
sibi. S. Amis hinc:
us: Qui dicit. C
et ille. Ego sum in hinc
sequens. De hinc est
in hinc salutare. E
ar hinc dicit. Qui
us hinc: Et hinc in
et in hinc hinc
hinc quid de oporuit
at hinc q dñm hinc
Abis hinc hinc

[Faint, illegible text, likely bleed-through from the reverse side of the page.]



[Faint, illegible text at the bottom of the page, possibly bleed-through.]



7
Frembergige wol-

gemeinte Vermahnung / ahn beide zu
Dusseldorff Possidirende Fursten / vnd dero ange-
hörige Stände vnd Vnderthanen der Gulichschen
Lande vnd Herschafften / Entgegen gesetzt der Lest-
schrifte vnd Aufswiegung / so vnlangst vnterm Titul
Parænesis vnd Warnung eines Patrioten ahn beide Fur-
sten / 2c. wieder Recht vnd des Heiligen Reichs Consti-
tutiones öffentlich im Truck spargiret vnd
hin vnd wieder außgebreitet
worden / 2c.

Recht muß doch Recht bleiben / vnd dem wer-
den alle frome Herzen beifallen / 2c.



Gedruckt im Jahr 1610.

Faint, illegible text in a historical script, possibly Latin or German, arranged in several lines. The text is mirrored across the page, suggesting bleed-through from the reverse side.



A

Es ich Mercurius Furwitz vnlangst
meiner geschafft vnd hantierung
halb/ durch Gollen reisete/ Trass ich
daselbst im Wirtshaus zum Heilts
gen Geist genandt ein ehrliche com-
pagnie an/ zu welchen eingeladen war ein Colni-
scher Burger/meines behalts ein Rhatsherz/ wie
wir nun ober Tisch sassen/ vnd mit frölichem ge-
spräch vns vntereinander ergetzten/ zoch gedachter
Rhatsherz von Gollen ein gedruckte schrift auß
den hosen/ deren Titul wahr *Paranesis* vnd War-
nung eines Patrioten ahn beide Fursten/ 2c. vnd
laß dieselbe öffentlich abe/ deme wir andern still-
schweigendt mit grosser andacht zuhöreten/ Vnd
als er den Geist der außlegung auß dem Weinglaß
empfangen/ setze er newe Postillen vnd *Paraneses*
darzu/ so die andern mit verwunderung vnd tieffen
seufftzen approbirten/ vnd auß einhelligem hertzen
vnd munde wunschetten/ das Gott den beiden Fur-
sten einen besseren sin geben/ vnd dardurch die gu-
ten Lande aller zunahenden gefahr vnd vnglucks
Vätterlich befreien wolte. Vnd zwar ich selber war
anfangs mit gleichem gespenst betuemelt/ weil solch
ding geschwindt weggelesen/ vnd von allen wie ein
Euangelium geachtet wardt/ Demnach ich aber
den dingen recht nach zusirnen anfieng/ fielen mir
auß

auß ehlichen Clausulen/ so darin begriffen/ vnd ich
notirt hatte nicht geringe *suspiciones* ein/ Darumb
nach Gehaltener Mittags Malzeit/ als ich wider
umb zur Borse gieng/ vnd daselbst ein Almanach
fremder antraff/ der solche schrifte feill trueg/ kaufte
ich ein Exemplar/ vnd satzte mir vor/ dasselbe bei
seits vnd allein mit fleiß durchzulesen/ immassen
auch geschach/ Dan als nach verrichteter Abendt
malzeit ich in mein zimmer mich verfuegt hatte/
suchte ich meinen jahrmarekt herfur/ vnd laß das
selbe mit fleiß durch/ Da befandt vnd erkandt ich
allererst/ wie der vorhelete Auther dieser schrifft/
seine Tuck vnd Sophistery darin treibet/ vnd den
Giffte so meisterlich vorbirget/ das vnter zehen gro
ben/ vngeshoffelten Bawren/ kaum einer es mer
cken möcht/ Vnd gedachte baldt bei mir selber/
Surwar dieses Gehirn ist woll einer scharpffen lau
gen werth/ die ihme auch gewißlich zu theile wirdt
werden/ kenne ich anders die possidirende beide
Tursien recht/ zoch mich darauff auß/ legt mich in
mein bett vnd schlieff ein/ Des morgens fruhe als
ich erwachte/ fiel mir disz gedicht vnd listiger tucki
scher grieff widerumb ein/ fieng an mit sonderm
verlangen auff die Apologie zudencken/ Kuminir
te baldt die schrifft/ baldt die antwort/ baldt das
gespräch so wir den vorigen tag bei der Malzeit
daruber

darüber gehalten hatten/ Namh mir vor auff das
selbe zuantworten/ Schloß aber dennoch abzu
warten/ was hierauß entlich vor eine Comedi wer
den wurde/ Mit welchen gedancken bin ich nun biß
annoeh vmbgangen vnd stets erwartet/ Ob nicht
die Fursten selber diß schmeliche tuckische gedicht
widerlegen vnd beantworten lassen wurden/ Weil
sichs aber gleichwoll damit in etwas vorweilet/
Zweifels ohn/ auß sondern darzu habenden vrsa
chen/ vnd das sie villeicht einiger antwort diesen
Lesterer nicht würdich achtē/ So plaget mich mein
angeborener nahme Surwitz dermassen/ das ich nit
lenger schweigen kan/ sondern mich daran machen
vnd versuchen muß/ was meine fedder darbei kön
ne/ jedoch mit der außdrucklichen Protestation vnd
verwahrung: Obwoll die darin gesetzte *argumenta*
Successionis, vnd darauß gegebene vermeinte *soluti*
ones, lauter verstummelte ding vnd *præstigiæ* sein/
die auch ein Bueb in der Schule soluiren vnd ab
streichen köndte/ Alderweil ich aber jedannoeh schon
vor langem den Schuel Carnier beiseits gehangen/
vnd es derwegen villeicht also nicht treffen möchte/
das es *bastant* vnd gnugsamb sein köndte/ das ich
denmach derselben beantwortung dem rechten *arti*
fici vnd Meistern anhaimb stellen wolle/ der es zu
rechter zeit vnd am rechten ort woll wirdt zuma
chen

chen vnd zutreffen wissen.

Souiel aber die vbrigen *contenta* betrifft/ hat es damit weniger bedencens/ vnd kan ich auch weniger darin fehlē/ Darumb willich mich mit Gottes hulff an dieselben machen/ vñ vmb minderen irrens willen/ nur blöszlich mein iudicium/ als ein Freier Mercurialist vnd Handelszman daruber eröffnen/ welches der Her: Author mir ja nit verargen wolle.

Vnd halte ichs nun eigentlich darfur/ das diese obberurte schrift *Paranesis* genant/ kein warnung/ vilweniger eine wolgemeinte warnung/ sondern ein schendtliche famoschrift vnd verleumbdung' fromer Redlicher Fursten/ vnd hochstraffbare auffweigung getrewer Redlicher vnd gehorsamer Vnderthanē/ auch keines Patrioten/ vielweniger eines getrewen Patrioten/ sondern eines Tuckischen Heilosen/ vnd darzu sonderlich gedingten *personati* vnd Buzwichts seie/ Vnd solches auß nachfolgenden vrsachen:

Dan erstlich ist außser allem zweifel/ das alle Vorwarnungen/ vielmehr aber wolmeinende Vorwarnungen auß freundtlichen hertzen herfließen/ zwischen freunden geschehen/ vnd gegen freunden auch eingewendet werden: Daher auch das gemeine Sprichwort ruhret/ Ein guet freundt warnet den andern. Wie aber diese vormeinte warnung of dergleichen Requisitionen beruhe/ das gibt der ganze

Tenor vnd einhalt derselben/ Wievöll der Autho-
dem grimmigen Wolfe einen heiligen Schaffs-
pels oberzuwerffen sich annimbt/ Vnd ist zuuere-
wunderen das dieser Schmeschrift dichter selber
erkennet vnd setzet/ jme als einem gehorsamen Vn-
derthanen gebühre nicht/ noch stehe woll an/ eines
oder des andern befugnis in disputation zuziehen/
sonderlich weil er daruber nicht vrtheilen könne/ vñ
nichstminder auß Tuckischem feindseltigen hertzen
der Possidirenden Fursten außgangene *deductiones*
jurium als vnterstanden diffamirt vnd außruefft/
die Argumenta verstummelt assumirt/ mit bösem
latein/ als *heredes culmen imperiale consensos* (dar-
umb man auch die jungen inder Schul zugeisselen
pfelet) solutret/ die Kay: Mant: nicht allein *ad ju-*
dicandum, ceu causa sufficienter deducta & cognita,
anreizet/ sondern auch ihren *FF. GG. dero* haben
des Recht vermessenlich *per falsa presupposita &*
rationes aequae falsas auß einmall gantz abspricht/ so
gar/ das er auch vermeinet das hochlöbliche Haus
Brandenburg könne bessere Argumenta weder su-
chen noch finden/ als von jme Sophistischer weise
herfur gezogen vnd allegirt worden/ Do mir doch
vnlängst eine zu Berlin gedruckte schrift/ intitulirt
Kurze anzeig derer vrsachen/ zc. zuuerlesen in die
handt kommen/ darin erwehrung geschicht/ war-
umb vñd auß was vrsachen ihre Churfurstliche
Durchl. zu Brandenburg dero habende *jura*

vnd fundament noch zurzeit nicht herfur geben/
das sie auch die jetzt allegierte *deductiones* fur die irri-
ge nicht erkennen noch gehabt haben wollen.

So ist auch in guter warheit schlechte wolmei-
nung vnd trewhertzige affection vnd freundschaft
daraus abzunemen/ das dieser Auther die lobliche
possidirende Fursten/ durch diese ganze *famos* schrift
durch vnd durch/ mit so scheuszlichen groben iniuris
en anzepffet/ vnd sie dardurch verhasst/ vnd bei den
Vnderthanen vnd gehorsamen Stenden schwarz
zumachen vnd zuuerunglimpffen sich dermassen vn-
terfenget/ das es ja erger nicht sein kōndte/ daruon
hiernechst mit mehrem soll anzeig gethan werden:
Wie dan auch dieses ins gemein eine schlechte an-
zeige freundliches wolmeinens ist/ das in dieser
Laster Schrift einig vnd allein dahin gesehen/ ge-
gangen vnd vermahnet wirdt/ wie man die rechten
Naturlichen zweige/ ihres erlangten Rechten destis-
tuiren/ vñ auff einmall von diesen Landen abheben/
vnd dagegen wilde vnd ganz frembde zweige hin-
widerumb einpropffen vnd beibringen möge/ Wel-
ches warlich keine gute freundliche vrratungen/
sondern lautere Tuckische griefft vnd anschläge sein/
oblique zuerschleichen/ was man sonst *directo* zu-
erjagen zuschwer findet.

Vors ander/ So befinden sich in dieser *famos*
schrift

schrift/ abschewliche grobe iniurien/ damit die from-
me löbliche Fursten/ von diesem Verleumbder vns
schuldig angegossen werden/ Dan erstlich misset er
ihnen zu/ als solten Sie deme leztabgestorbenen
Fursten/ Hertzog Johan Wilhelm Christeliger
gedechtnus so viel vnstreitiger Erden nicht gönnen/
Dahin derselbe gebracht vnd eingelegt werden
möchte/ Welches warlich eine vnerhörte *atrocis-
sima iniuria* ist/ deromassen vmb das zeitliche guet
ins gezencf vnd *disputationes* vertieffet sein/ Das
auch ein jeder seines theils so viel vnstreittiger Er-
de auß handen nicht lassen wolle/ Dahinmein des
fromen verstorbenen Fursten leichnamb gelegt vnd
begraben werden möchte. *Semper habita fuit, &
apud gentes, sepultura sancta & religiosa, & pro im-
pio reputatus, qui eam suis honestè conferri inuiderit.*
Daher auch der *Iureconsultus* saget: *Religionis in-
teresse, sepulturas bene atq; decenter fieri.* Worhin
Dan auch diese beide löbliche Fursten sehen sollen/
Als mir dermall eines/ wie ich durch Dusseldorff
geraiset/ von einem guten freunde vertrauet wor-
den/ Damit dieses verstorbenen Fursten Leich-
namb/ als des lezten vom Mänlichen Stamm
vnd Nahmen der Gulichschen Hertzogen/ in bei-
sein der o Hochfürstlichen gefreunde vnd angehörig-
gen/ Auch getrewer sambtlicher Landt: vnd Rit-
tertschafft

B

tertschafft

terschaft/ so vmb erregtes betrübten Kriegswe-
sens willen/ aniezo dieser orter selber mit reisen durfs-
sen/ desto ehrlicher zur erden gebracht vnd bestat-
tet werden möge/ welches diß Vestermaull dem ge-
zencf/ abgunst vnd verachtung zumisset/ vnd im of-
fentlichen druck außruesset.

Darbei ers noch nicht bewenden lesset/ sondern
schreitet weiter/ vnd bezichtiget die löblichen Für-
sten/ als wan sie mit geschmuckten Worten die
Stende vnd Vnderthanen dieser Lande verführen/
vngleiche einbildungen ihnen beibringen/ Zusag/
Keuers vnd Priuilegia nicht halten/ vnd zu be-
schönigung ihres intentz/ auch der kundbaren vns-
warheit sich nicht schewen sollen/ vnd entlich wan
sie das Landt außgezehrt vñ die Vnderthanen vmb
das irige gebracht/ vnd dieselben nicht mehr zuzus-
setzen haben/ das sie alsdan dieselben wie Humuli
geseden hulflos verlassen vnd darvon lauffen wer-
den. Wer wolte hier nicht sehen vnd sagen/ das die-
ser mensch vom lebendigen Teuffel muß besessen ge-
wesen sein/ wie er diß Schmegegedicht außgespeiet
hat/ Sein gleich erhaltung vnd vermehrung der
Priuilegien/ Freyheiten vnd Gerechtigkeiten den
Stenden dieser Landen zugesagt vnd versprochen/
aber bis dahero allerdingz noch nicht gehalten wor-
den/ Wer will oder kan darumb die löblichen Für-
sten

sten einiges *fuci, doli* oder vnwarheit beschuldigen
Wer hats bis dahero gehindert/ das nicht alle zu-
sage volkhomblich gehalten vnd impliret worden
ists mit der gegentheil/ so diese ganz vnnotige Krie-
ge erregt/ vnd dardurch nicht allein dieses/ sondern
auch die bestellung des ganzen Politischen wesens
vbel vñ vnvorantwortlich verhindert? Da sonst
ihr FF. GG. an ihnen woll keinen mangel gewiss-
lich spüren lassen wurden. Sein gleich Keuers vor-
handen/ darin den Landstenden zugesagt vnd ver-
sprochen/ alle gefehrlichkeiten so von der Kay: May:
herühren möchten/ abzuwenden/ Vnd aber die ver-
scheidene Kay: Proces/ so sich von tag zu tage wie-
der alle billigkeit mehren vñ heuffen/ ein anders mit
sich zubringen scheinen: Wer will oder kan darumb
diese löbliche Fursten einiges nichthaltens bezicht-
gen? Haben nicht bis dahero ire FF. GG. alle recht-
messige billige mittel darwider zuhanden genommen/
zu dem ende vornemblich/ irer Kay: May: die grund-
liche beschaffenheit dieser sache dardurch furzubrin-
gen/ die sonst von den Widrigen durch vngleiche
falsche berichte vbel eingenomen/ von erkendtnus
des rechten grundes vnd warheit abgehalten/ vnd
zu solchen schweren vnd gefehrlichen Processen be-
wogen worden. Vnd sollen ire FF. GG. als ich mir
sagen lasse/ nochmals nit einzuhalten gemeinet sein/
B 2 bis

bis so lang ihre Kay: Mayt des rechten grundts/
vnd ihres bis dahero gethanen auffrechten gehor-
samen erbiethens recht berichtet / vnd zu wieder
auffhebung solcher weitauffsehenden scharpffen
Mandaten allervnderthenigst erbitten worden.

Mit Pfalz Zweibruck ist die vergleichung schon
geschlossen / verbrieffet vnd versiegelt / Vnd stehen
ihre F. G. in dero guten hoffnung vnd abwar-
tung / der Her Marggraff von Burgaw werde
jme sothane billige friedsmittel entlich auch nicht
zuvieder sein lassen / Wer will oder kan dan nun
mit bestandt vnd warheit sagen / das sothaner vor
diesem gethaner bericht / vngrundt / geschmuckte
wort / oder vngleiche einbildungen sein?

Haben nicht so viel Römische Kayser / vnd in spe-
cie die noch lebende vnd Regierende Kay: Mayt:
selbst die Töchtere vnd dero Nachkommen zu denen
Fürstenthumben vnd zugehörigen Landtschafftten
per amplissimas concessiones atq; confirmationes habilitat
tirt, vnd vffm fall tam possessionem quam dominium
zu acquiriren vergönnet / Vnd dagegen die Vnder-
thanen vnd Stände hinwiderumb krefftiglich an sie
verwiesen / vnd solches alles bei hoher ernster straff
also zuhalten gebotten / vnd die Erben darbei zu ma-
nuteniren versprochen / wie solches die verschiedene
in druck außgangene Kay: *Diplomata* klarlich vnd
vnzweifel

Unzweifelich besagen/ Was ist dan nun für falsch o
der unwarheit hierunter berichtet vnd außgeschrie
ben worden? Vnd was hindert/ das dieser Autho
nicht mit allem fueg vnd Recht für einen Ehrens
dieb vnd Schmeher hoher Fürstlicher personen/
vnd seine vermeinte vnd angegebene warnung/ für
eine schändliche verleumbdung erachtet vnd geo
halten werden soll?

Vnd damit dieser Verleumbder ja sein feindselti
ges hertz/ insonderheit gegen dem Hause Brandens
burg blicken vnd erkennen lassen möge/ So bezich
tiget er dasselbe/ als wan bei denen mittelen/ so zu
erhandlung des heilsamen frieden ehemals vnter
den interessenten vor vnd an die handt genommen/
es an demselben allein gemangelt/ so mehr auff sei
ne macht vnd die Niderländische hulff/ dan auff die
gerechtigkeit der sachen gesehen/ Heischt das sein
Privat bedencken ohn einig der Pretendirenden
Schur: vnd Fürstlichen Heuser nachtheil vnd ver
fang eröffnen? Heischt das nicht in der Wolffs
haut bleh ruffen/ vnd den leuthen die augen ver
kleben? Kan darauß eine wolgemeinte vormah
nung eines trewherkzigen Patrioten genommen
werden? Vnd ob es woll meines thuens noch vor
satz nicht ist/ das Haus Brandenburg zuuertheti
gen/ Einthemal woll andere leuth darzu werden
gebrauche

gebraucht vnd adhibiret werden/ So weiß ich jedoch/ vnd habe so viel vor diesem dauon gehört/ Das deme Hochlöblichen Hause mit sothaner schweren bezichtigung/ gewaldt/ zuuuel vnd vngütlich geschiehet/ Das auch die berühmte intercipirte brieffe solches nicht besagen noch geben / Das aber ihr Ghurf. Durchl. ihr kundbares Recht nicht erkauften noch verkauffen wollen/ darin werden Sie vermütlich nicht zuuerdencken/ weniger zubezichtigen sein.

Weiter befindet sich vord dritte in dieser vormeinten *Paranesi*, wie dieser Tuckischer Auther/ seine liebe Landsleuthe/ vnd sonderlich die Einwohner der Stette/ vnd alle Officianten ermahnet/ ihrer weiber kinder vnd guter wolstandt in achtung zunehmen/ Der Röm. Kay. Mayt: als der höchsten Obrigkeit gehorsamb zuleisten/ deren Achts Mandata in höchste consideration zuziehen/ Sich niemandts dagegen zuuerpflichten/ oder do es bereit geschehen/ solcher pflicht sich hinwiderumb zuentschlagen. Vnd zu dero behueff das grosse Schiff Nohe/ vnd die grosse Statt Ninive sambt allen deren eigenthumb/ beweglich vnd unbeweglich einfuhret/ Auch die Kayserliche Aelt auff's grausambste herfur zeucht vnd außstreichet/ Einig vnd allein zu dem ende/ Damit er die getrew vnd gehorsamen
Stendt

Stendt vnd Vnderthanen verirret vnd verwirret
machen/ Sie von schuldiger folg vnd gehorsamb/
irer Naturlichen von Gott vnd Kaysern gesetzten
vnd verordneten Obigkeit abwenden/ vnd dem
gegentheil zutreiben/ vnd also eine hochstraffbare
auffwieglung/ Rebellion vnd Meuterey anrich-
ten/ vnd consequenter ein ganz jämmerlich^s bluet-
batt vnd verderb dieser guten Lande stifften vnd zu-
wegen bringen möge/ Wer ist nun so geringsin-
nig vnd vnuerstendig/ der in guter erwegung dieser Zu-
ckischen vnd mit honig oberstrichenen grieffe/ der
selben nicht wahr nehmen/ den Lewen auß der
klaw/ den Vogel ab den feddern/ vnd diese vermein-
te warnung auß dero contenten vnd clausulen nicht
erkennen können? Vnd were in guter warheit woll
Weib/ Kindt vnd gueth in acht genommen/ wan
man wieder die naturliche billigkeit vnd Rechte/
auch wieder hochbeteurliche Altuätterliche vnd ei-
gene verspruch vnd zusagen/ vnuerantwortlicher
weise/ wie es dieser Meutirer gerne sehe abfal-
len/ vnd zu einer bluetigen vnd verderblichen recu-
peration anlaß vnd vrsach geben wurde. Der Kö-
mischer Kayserlicher Mayestat gehorsamb zuleis-
ten/ wie man nach dem Gesetz Gottes zuthun
schuldig/ Achte ich es meiner einfalt darfur/
DAS

Das solches keiner der argezogenen Buderthanen
vnd Officianten zuweigern jemals in sin gezogen/
es auch nochmals woll nicht thun werden. Wan
aber die Röm: Kay. Mayt: per sub & obreptiones
vnd abgunstiger Glägere neidiges anbringen zu
vnrechtmessigen rescripten vnd dergleichen schwe-
ren Achts erklerungen verleitet werden/ So erkle-
ren sich ihre Mayt: per formam pragmaticam selber/
wie weit sie denselben Rescripten zu deseriren vnd
gehorsamb zulaisten gehabt haben wollen. Ita n.
inquunt Imperatores in l. 1. C. de petit. bon. sublat. lib.
10. Sed quoniam plerumq; ita in nonnullis causis inue-
tecunda petentium inhiatione constringimur, vt &
non concedenda tribuamus: nec rescripto quidem nostro
aduersus formam latæ legis loci aliquid relinquatur &
Zugeschweigen deren sonsten im Rechten befunde-
nen vnd approbirten Theoriquen: Principem à Deo
constitutum esse vt iustitiam faciat: & nunquam præ-
sumi injustum voluisse: & omnes suos actus formare se-
cundum iustitiam poli & fori; & si quid Princeps con-
tra bonum & æquum rescripserit, id pro non rescripto
habendum esse. Vnd wie die juris maximæ mehr heis-
schen/ deren ich mich noch ab antiquo ceu per somni-
um, als ein erloschener Student vnd nuh mehriger
Freier Mercurialist vnd Handelsman in etwas
erinnere/ Vnd ist furwar eine außbundige tieffbe-
dachte

bedachte heilige vergleichung den Delzweig Nohe/
so außsöhnung vnd friede bedeutete/ mit den Kayse:
Achts Processen/so nichts anders dan emporung/
abfall vnd Krieg mit sich bringen/ Wie auch den
Propheten Jonam so die gerechtigkeit predigte /
mit den Kayserlichen Herholden/ so verleast Ehr/
guets/ leibes vnd lebens/ wieder alle Recht vnd
billigkeit denuncieret/ compariren wollen.

So kan ich auch nicht vors vierte bei mir befin:
den/ das dieser Schmeheschrift dichter ein Patri:
ot/ weniger ein getrewer Patriot sein könne/ Ein:
themal er seine Landtsleuthe dahin zu persuadiren
sich vnterschet/ was ihnen zugleich ahn Seel Ehr/
Leib vnd Guttern/ vffm fall sie ime folgeten/ schäd:
lich sein wurde/ Dan ime nit vnwissendt sein kan/
Wosern er nur ein rechter Patriot ist/ als er sich
ruhmet/ wahn nicht allein die Vorfahren vnd in
Gott ruhende alten bei denen Unions: vnd Ma:
iorats vergleichung/ Ehepacten vnd Reccessen/ son:
dern auch die anjetzo noch lebende Landtsleuthe/
vnd eben diesen beiden Possidirenden Fursten/ sich
hochbeteurlich verbunden vnd obligiret haben/
Nemblich im fall abgehender Mans Lini/ die Töch:
ter vnd dero Erben/ vnd numehr *respectiuè* die beide
Schur: vnd Furstliche heuser Brandenburg vnd
Pfalz Neuburg vor ihre einzige Naturliche Herrn
S vnd

*naturalis storge sich befindet/ davon jener Poet sa-
get: Nescio qua natale solum dulcedine cunctos attra-
hit, immemores nec sinit esse sui. Vnd Menelaus apud
Homerum: Græci sumus, nobis vna mens, vna volun-
tes esse debet; quodq; ego mihi, id quoq; tibi; quodq; tu
tibi, id quoq; mihi velis cupiasue.*

Mehr Argumenta hierbei zubringen/ ob diesela-
be woll dieses orts gar nicht abgehen/ so achte ichs
jedoch vor eine vnnoth/ weil auß oberzehlten vierem
uberflüssig gnugsamb dargethan vnd außgefuh-
ret/ das die eingangs gesatzte proposition/ das
nemlich mehrgedachte *Parænesis* keine warnung/
minder eine wolgemeinte warnung/ sondern viel
mehr eine schändliche famoschrift vnd verleumb-
dung fromer redlicher Fürsten/ vnd eine hochstraf-
bare auffwiegelung getrewer gehorsamer Vnder-
thanen/ auch keines Patrioten/ vielminder eines
getrewen Patrioten/ sondern vielmehr eines Tuck-
ischen/ Heillosen vnd darzu sonderlich gedingten
personati vnd Boeswichts seie/ wahr vnd vnlaug-
bar sich befinde/ Zu vorab weil dieser iniuriant
wieder die außdruckliche kundbare Reichs *Consti-
tutiones* vnd derselben verordnung bei deme druck
seines nahmens verschwelget/ vnd diß Schmehe-
gedicht hin vñ wieder vnter die leuth spargiret/ vnd
zu seinem vermeinten vorthail außbreiten lasset /

Vnd das demnach nichts mehr restire noch vbrig
seie/ dan diesem Schmeher vnd Bffwiegler sein
woluerdiente Sententz vnd Vrtheil zubegreifen/
weil ich mich noch auß meinen *Institutionibus* etzli
cher massen erimiere/ *quemadmodum contractus, ob
ligationes ad praestationem, sic delicta quoq; obligatio
nes ad pœnas parere.*

Solche Sententz vnd Vrtheil nun/will ich auß
meinem gehirn hieher nit setzen/ sondern dieselbe
auß den *Institutionibus* Schneidvini vnd Peinliche
Halßgerichts Ordnung Caroli 5. (weil mir Bar
tholus/ Baldus/ Marsilius vnd dergleichen Pa
triarchen zu hoch sein) entlehen vnd hieher repeti
ren. Also setzt Schneidewin von Schmeheren
vnd Iniurianten *lib. 4. Instit. tit. 4. n. 3. & 4. De
jure ciuili, quando diffamatus per libellum famosum
criminaliter agit, pœna capitis imponitur. Per l. unic.
C. de famos. libel. De Iure vero Canon. Famosum libel
lum conficiens, flagellis cœditur & excommunicatur
per c. hi qui. 5. q. 1.*

Vnd die Peinliche Halßgerichts Ordnung Car
roli 5. Von Straff Schriftlicher Schmehung
cap. no. redet also: Welcher jemandt durch
Schmachbrieff/ zu latein *libell. famos.* genandt/ die
er außbreitet/ vnd sich nach Ordnung der Rechte
mit seinem rechten Tauff: vnd Zunahmen nicht vnt
terschreib

Mißhandlung je zu zeiten mit abschlagung seines
Haupts gestrafft / oder mit Necten gestriechen /
vnd auß der Landt gegendt Gericht / Statt / Fleck
en oder Gebieth / darin er die auffrühr erweckt / ver
weist werden.

Hir auß mag ime nü dieser Lesterer vñ Auffrieger
ler selber die vrtheil erwehlen / vñ darbei gewiß sein /
wan er gleich den gelindesten weg gehet / das er
zum wenigsten staupschläge vnd *immortalem infamiam*
zu lohn seiner arbeit haben werde / darbei ich
es bewenden vnd bleiben lasse / vnd ihme gluck zu
auff die reiß wünsche.

Hier solte ich nun woll billig auffhören / vnd es
bei diesem meinem zwar geringen jedoch warhafftigen
judicio verbleiben lassen / So kuzelt mich aber
einnahme abermal dermassen / das ich noch eines
darzu thun muß / Nemlich auch eine kurze ver
mahnung an beide Fursten vñ dero Vnderthanen /
Ob villeicht dieselbe besser als meines Antagonistē
gerathen möchte / Vnd bin nun dessen anfangs mit
ime einig / das Krieg / Unfriede vnd Bluetuergies
sen in einem Lande gewisse straffen von Gott sein /
die auff funde vnd ungehorsamb erfolgen / vnd das
solch vbel durch kein besser *remedium* , dan durch wa
re buesz vnd ernstes gebett curirt vnd abgeschafft
werden

werden könne. Darumb vermahne ich zugleich mit
beides Herrn vnd Knechte/ Obrigkeit vnd Bnders
thanen/ sie ihr voriges leben vnd wandel recht er
messen/ was vnrecht befunden/ auß hertzen grundt
berewen vñ abschaffen/ vnd alsdan den barmherzi
gen Gott vmb verzeihung der sundt vnd milderung
der straff vnauffhörlich anrufen/ vnd in wahren
glauben/ gedult/ hoffnung vnd trost der hulff ab
warten/ so wirdt er gewißlich seines Göttlichen
schwurs sich erinnern: Warlich ich sage euch/ ich
wil nit den thot des sunders/ sondern das er sich be
kehre vnd lebe/ die aufgehobene ruthe wegwerffen/
der plagen ein ende machen/ vnd verleihen/ das wir
vor seine gnade/ guethe vñ barmherzigkeit ime
immerwehrenden lob/preiß/rhumb/danck vnd ehre
singen vnd sagen mögen in alle Ewigkeit.

Ihre FF. GG. aber zubitten vnd zuuermah
nen/ sich an ordentlichem außtrage Rechtens/ vor
der Kay: Mayt. ersettigen zulassen/ achte ich mei
nes theils oberflüssig vnd ganz vnnötig/ Dan ja
auß denen außgangenen vnd im öffentlichen druck
verfertigten Schrifften sonnenklar zuersehen/ das
ihrer FF. GG. will/ meinung vnd erbiethen nie an
ders gewesen/ Wan nur vom gegentheil die zu höch
ster vnbilligkeit an die hand genommene *Arma* wie
Derüb niedergelegt/ das Kriegswesen abgeschafft/

vnd

Vnd Sie bei volliger rechtmessiger possession interims weise gelassen werden köndten/ das alsdan Sie nach hinlegung auch ihrer zu handt genommenen Defensionswaffen *saluo jure & exceptionibus suis* vor der Kay: Mayt: compariren/ vnd meniglich wer zu diesen Landen *pretension* zuhaben vermeinet/ *tam in petitorio quam possessorio* antworten/ vnd zu dero behöff *plenissimam cautionem iudicis fisci & iudicatum solui* prestiren wollen. Was nun hieruber vnd noch weiter von ihren FF. GG. mit fuege/ Recht vnd billigkeit begeret werden köndte/ sehe ich meines theils gar nicht.

Die Röm: Kay: Mayt: als Gottes vnzweifelliche Ordnung/ vnd das höchste haubt der Welt/ deme auß beuelch Gottes zugeben was sein ist/ allerunterthenigst zu respectiren/ vnd gebürende ehr/ gehorsamb vnd folgleisten/ Daran halte ich/ habens ihr FF. GG. niemalsz mangelen lassen/ Inmassen dero vielfeltiges erbieten einig vnd allein dahin gehet/ Aber die Wapffen/ so ihre FF. GG. bei so kundtlicher gewaldt vnd vnrecht zu ihrer abgenötigten Defension notdringlich/ nach zulassung aller natürlichen/ Geislichen vnd Weltlichen Rechte an die handt nemen müssen/ also schlechter dinge hinwiderumb von sich zulegen/ vnd des begierlichen widertheils *misericordi* sich zu vntergeben/ will
ja

Ja ihren FF. GG. ganz nicht jurathen stehen. Dan lieber was were solches anders / dan all sein habens des vnd zustehendes Recht auff einmahl von sich werffen / vnter der gewissen vnzweifelichen zuuersicht / es niemals in alle ewigkeit wider zuerlangen / welches aber weder Gott noch die Rechte von jemandt erheischen / Vnd der jenig nit Narrisch zuhalten / der ein solch vngereimbtes Ding begehret / vnd erfordert / Aber billig vor einen Thoren zuschelten / der ein solches zu seinem vnwiederbringlichen schaden vnd nachtheil eingehen vnd bewilligen wurde.

Die alleinige erkendtnus der Kayf. Mayt: in dieser sachen heimzustellen / halte ich wasern sie irer Kayf. Mayt: von Rechts vnd alten Fürsilichen herkommens wegen zusichet / werden ihr FF. GG. auch gar nicht weiaeren noch ausschlagen / Do aber auch ein anders auff seiten ihr FF. GG. auß den Rechten vnd Fürsilichen alten herkommen außgefuhret vnd erkandt werden kondte / warum wolte man sich dan auch auff der andern seiten wieder Recht / pilligkeit vnd altes herkommen setzen vnd steuren / vnd ganz vnchristliche vnnötige Kriege darüber anfangen / Vnd stunde also derselbe punct zu Rechtlich ein erkendtnus vnd ausschlag / Darwieder sich ja mit sua kein theil zubeschweern /

D

weniger

wentiger vnschuldig blütbadt darumb anzürichten.

Darumb ihr löblichen Fürsten/ erinnert euch auß dem Psalm *Commenda Deo viam tuam, Spera in eum & ipse faciet.* Bleibet bey ewerm Christlichen/ lütlichen vnd rechtmässigen erbieten vnd vorhaben/ Thuet weder darvon noch darzu/ vnd stehet in der gewissen demütigen hoffnung zu Gott/ dessen Allmacht werde mittel einschicken/ damit der Röm. Kay. Mayt vnserm Allergnedigsten Herrn/ ewer Ff. GG. auffrechtz gnugsames erbiethen recht furgebracht/ vnd dieselbe nach eingenommenem besseren bericht/ zu aller Kayserlichen guete vnd mildigkeit bewogen werden mögen.

Inmassen dan ihre Kay. Mayt: die ganze zeit ober ihrer Kayserlichen Regierung/ was zu erhaltung der heilsamen justitz vnd Gerechtigkeit/ fried vnd ruhe im H. Römischen Reich immer dienlich gewesen/ ahn ihr gar nichts ermangelen lassen/ Vnd darumb den vnsferblichen rhumb eines friedfertigen gerechten Kayserz erlanget/ So werden es auch ja gewißlich anicko in *vespera vite* ire Kay. Mayt: nicht enderen/ noch an ewern Ff. GG. mit verlust des herlichen rhumbs vñ namens einen anfang machen. Lasset euch durch dergleichen Encosyphanten/ mit deme mißgebrauchten nahmen der
Obzigkeit

Obriqkeit/ dero ihr euch niemalen vnzimlichen w^o
Derfetzet/ auch in diesem fall vn̄ bei ewerm Christli
chen rechtmessigen erbiethen nicht widerfetzen k^on
net/ oder andern vbel eingefuhrten exempeln nicht
schrecken/ Tröstet euch cwer s guten vnd reinen ge
wissens/ gedencfet *tandem bonam causam triumphare*.
Erweget das nicht alle so wieder die warheit
des Euangelij tentiret vnd was surgenommen/
gleichen außgang gehabt haben/ wie solches die ex
empel in denen benachbarten Konigreichen/ Lan
den/ auch im Heyligen Römischen Reich selbst
gnugsamb darthuen vnd bewehren/ Vnd do gleich
der Gerechte Gott/ zu zeiten die *individua* in die
Creutz schuel darbei gefuhret/ das doch darumb die
gerechte sache nicht verloren noch erger gemacht/
sondern sich vilmehr erhöhet/ außgebreitet vn̄ ver
bessert werden/ Zwar ist nit ohne/ *Regum ma
nus esse longas atq. potentes*, Aber getröstet euch/
das solches nicht zu ewerem truck vnd verderb/
sondern vielmehr zu ewerm besten vnd erhal
tung/ sonderlich bei dem höchsten haubt der Chris
tenheit gemeinet sein solle. Gestalt solches jeder
zeit fromme vnd gerechte Kayser vnd Rhonige
bewiesen/ vnd diese jetzige Regierende Kayserliche
May: ob Gott will entlich auch nicht anders hal
ten werden. Lasset euch nit furchtsamb machen

durch erdichtete bezichtigung vnd bedrowungen/
als wan jr in diesem fall eine Bruck in diesen Lan-
den schlagen/ vnd daruber Kriega/ verderb vnd vn-
tergang einführen würdet/ Dahero ihr hinwider-
umb zuerwarten/ daß das vnschuldige bluet ober
euch in den Himmel ruffen/ den zorn Gottes er-
wecken/ vnd zuletzt euch das jenige heinfallen wer-
de/ was der Aecht Euentus ist vnd zusein pfleget. Bes-
dencket dargegen/ *Culpam suam plerumq; ferire aus-
thorem*, vnd das der jenige breche/ welcher zu schla-
gen den anfang machet/ vnd das dahero nit euch/
sondern ewerm widerparth die angedrohete vnd
noch scheiffet straffen zuerwarten stehen. Vnd jr
ehrlich en Landtsleuthe/ sowoll in Stetten als auff
dem Lande/ Erinnert euch wahrin die Natur/ Recht
vñ alle Pülligkeit euch weisen/ Das nemblich schuld-
diger danckbarkeit halber/ euch ja nit anders gebü-
re/ dan die jenigen so auß dem gebluet/ kinder vnd
nach kommen seien der Hochloblichen Fursten von
Gulich/ für ewere einzige Herrn vnd Obrikeit zu
erkennen/ vnd denselben Wudtsfrembde/ so weder
von heut noch haar hieher gehören/ nicht vorzu-
ziehen. Erinnert euch nit was treu/lieb vnd sanfft-
muetz nun so vill hundert jahr hero die Hochlöbli-
che Fursten von Gulich vnd Gleue euch Väterlich
regieret/ vñ was in lieb vnd leid sie bei euch ertra-
gen

gen vnd außgestanden haben. Dergleichen vnd
kein anders habet ihr von irem gebliet auch zuhof-
fen vnd zuerwarten. Da im gegenfall ihr nit wis-
sen könnet/ wie die newen freunde gerathen wur-
den/ Erinnert euch als ehrliche leuthe/ wahn ewe-
re Elteren vnd Vorfahren sich hochbeteurlich ver-
sprochen vnd verbunden haben/ deme entgegen zu-
handlen/ euch ja gewissens vnd ehrenhalb nicht ge-
ziemen wolte. Erinnert euch endlich/ wahn ewere
eigene zusage vnd verspruch euch weiset/ das ir auß-
ser beider possidirenden Fursten/ Chur: vnd Furst-
lichen Principalen keinen andern fur ewer Obri-
gkeit erkennen/ noch euch denen anhengig machen
wollet/ welches euch als ehrliebenden leuthe an-
ders zuhalten keines wegs gebüret/ Also werdet ir
euch/ ewere Weiber/ Kinder vnd gueter recht in
acht nemen/ Der Röm. Kay: Mayt: vnd auch zu-
gleich ewerer ordentlichen Obri-
gkeit gebürendem
gehorsamb leisten/ vnd ewern bisz dahero erwor-
benen vnd erhaltenen guten nahmen mit euch in die
erde nehmen/ vnd zugleich auff ewere kinder vnd
nachkommen verstantmen.

Lasset euch die vnrechtmessigen Achts Proceß/
so auff vnwaren bericht der Wiedrigen bei der Röm-
mischen Kay: Mayt: außbracht/ vnd von dero vr-
sach ihre Kay: Mayt: keinen rechten bericht wissen/

nicht schrecken/ noch zu einigem vnuerantwortlichen
abfall bewegen/ Gedenccket das noch mittel vor
handen sein/ vnd täglich im Reich bei gerechten löb
lichen Fursten mehr bedacht werden/ wardurch ih
re Kay: Mayt: eines besseren berichtet/ vnd sotha
ne nichtige vnerhorte dinge rectificiret werden kön
nen. Gedenccket wie ihre Kay: Mayt: die ganze zeit
ihrer Kayserlichen Regierung vber/ stets gerech
tigkeit geliebet/ vnd friede im heiligen Reich mit den
Teutschen Fursten zuhalten hochgeachtet/ vñ nach
höchstem vermügen befördert/ Das auch ihre
Mayt: jeko allererst mit hohen vornehmen heubte
ren es nicht anders halten/ noch dieselbe ohne noth
von der seiten gurten werden.

Lasset euch dergleichen schmeche carten vnd Tuo
fische brieffe leichtfertiger gedinaeter personaten
nicht verfahren. Gedenccket das solches die Ange
len sein/ warmit ewere feinde euch zufangen ver
meinen. Lasset euch die gefahr nicht zu fast einbil
den/ als wan ihr hierdurch auß friede in vnfriede/
auß freiheit in dienstbarkeit/ auß sicherheit in vn
sicherheit versetzt/ Ewer haab vnd queter mennige
lich zum raub außgestellt/ die Landstrassen versper
ret/ handel vnd wandel verbotten/ vnd jr auch abn
ewer in leib vnd leben nicht mehr sicher sein wurdet/
Gedenccket

Bedencket das diesem leidigen vnfriede der fried
hessiger geaentheil ohne alle darzu habende rechts
meßige vrsach *ex mera habendi cupiditate* erwecket
so daruber villeicht woll so viel zu thun kriegen könd
te/ das ihnen der scherz gerewen vnd auffhören
dörfften: Vnd das vbrige Lesteren damit die löbli
che Fursten vnschuldig anaegossen werden/schänd
lich ertichtet vnd erlogen seie/ Wer hat jemals in
ihren Erblanden/ sonderlich bei Stetten vber vn
leidsame erbliche dienstbarkeit/ darin er gesturzt/
geklaget? Wer hat jemals gehoret oder erfahren/
das in ihren Erblanden auff Wein vnd Bier ein
monopolium vnd Panhaus angestellet vnd gebotten
worden/ notturfftigen tranck an Wein vnd Bier
aus den Kellern mit dem Kerbstock zuholen/ vnd
selbst keinen Tranck in die keller zulegen? Wer hat
erfahren/ das ihrer Vnderthanen Heuser/ Erb:
vnd gereid queter in grundt sein geschätzt vnd ordene
Als dieses Lügen vnd Lestermaul ausspriet. Vnd
obwoll etwan Anno 91 vffm Landtage zu ablegung
der schulden/ von mitteln mag sein geredet wor
den. So wisset ihr Ehrliche Landtsleuthe doch gu
tes theils selber/ vnd seids von ewern Eltern vnd
Vorfahren zur gnüge berichtet worden/ auß was
erheblichen vrsachen/ wie/ vnd mit was maasz vnd
Restriction solche

solche vorschläg geschehen darausz kein ehrlicher
Biederman einige consequentz mit bestande wirdt
machen können. Was habet ihr ehrlichen Landts
leutte bisz dahero fur kriegslast empfunden? Was
ist euch deszwegen abgeschazet worden? Habens
nicht bisz dahero ihre FF. GG. einzig vnd allein
ertragen? Wollens auch noch hinfuro/ so viel alsz
immer möglich vnd sich leiden will/ gerne also hal-
ten/ Damit ihr vnbeschwert bey ewern haab vnd
gütern in gutem wolstandt vnuerruckt verbleiben/
vnd im werck vnd in der that empfinden müget/
Dasz ihr vff allen zuetragenden fahl/ nicht vorher
ausgezehret/ vnd hernacher hulfflosz verlassen
werden sollet. Welche trewhertike wolgemeinte
Erinnerung vnd Vormahnung ihr im besten von
mir vermercken/ vnd neben mir meinem Antagoni-
sten, wegen begangener hochstraffbarer vbelthat-
ten vnd bekehrung/ oder zum fahl beharlicher böse-
heit ihme seine woluerdiente zeitliche straffe gön-
nen vnd wünschen werdet/ Damit er *in fine*
zuerkennen/ nemo leditur ni-
si à seipso.

ut qui quis in honore colitur?
deus adit exemplum gradum.
P. Et tunc uigine. Deus q' sa
luis tunc. Sub omni d' d' d' d' d'
Et dicit. III. Saue: actu ap' d' d' d'
Ius ad hunc spiritus in manu et
coris i' d'
ad inuicem laetationi et p' p' p' p'
ab eo ep' d' d' d' d' d' d' d' d' d' d'

xit. d'
Et dicit. **Et dicit**
ad hunc. **Et dicit**
qui dicit. **Et dicit**
in d'
cuius est. **Et dicit**
am moie. **Et dicit**
ante sibi manus.
at. **Et dicit** carum

Den verle
 ve vnd
 schafften
 Mannis
 Bluff
 Leis
 tion
 et
 ch/Cle
 nd Herr
 /Ra
 chtung
 efehl.
 nd=

